

खास-खास खबरां:-

- राष्ट्र अज्ज संविधान दिवस मना रदा ऐ। राष्ट्रपति-उपराष्ट्रपति- प्रधानमंत्री ते लोकसभा स्पीकर बी होरनें समेत मुख समारोह च शामिल होगं।
- प्रधानमंत्री नरेन्द्र मोदी होर हैदराबाद च सफ़रान दी पैहली-पैहली एम.आर.ओ. सहूलत दा उदघाटन करगं।
- रक्षामंत्री राजनाथ सिंह होरें आखेया जे भारत समुन्द्री जहाजें दे निर्माण ते सरबंधत नमियें काडु आले खेतर च वैश्विक केन्द्र बनने लेई भ्लेया त्यार ऐ।
- रुस दी अगुआई आले यूरेशियन आर्थिक संघ कन्नै मुक्त बपार समझौते लेई भारत औपचारिक तौर पर गल्लै-कत्थै आले दौर शुरु करोग।
- करमसाद गुजरात थमां राष्ट्रीय सतह दी पदयात्रा Sardar@150 एकता मार्च दे हिस्से दे तौर पर शुरु कीती जाग।
- 2030 बरे आलियें राष्ट्रमंडल खेडुं लेई भारत दी मेज़बानी दी कोशश गी अज्ज Glasgow च औपचारिक मंजूरी थोई जाग।

<><><><><><>

Samvidhan Diwas

अज्ज कृतज्ञ राष्ट्र संविधान दिसव मना रदा ऐ। इस बरे दा विशे सार ऐ- “साढा संविधान- साढा स्वाभिमान”। इस सिलसिले च मुख समारोह नमीं दिल्ली दे संविधान सदन दे सैन्ट्रल हॉल च आयोजित कीता जाग। राष्ट्रपति द्रौपदी मुरमू-उपराष्ट्रपति सी.पी. राधाकृष्णन- प्रधानमंत्री नरेन्द्र मोदी- लोकसभा स्पीकर ओम बिरला- केन्द्री मंत्री ते सांसद इस आयोजन च हिस्सा लैगं। साढे संवाददाता दी रिपोर्ट मुजब संविधान अपनाए दे 76 बरे होई गे न।

<><><><><><>

PM -Constitution Day

प्रधानमंत्री नरेन्द्र मोदी अज्ज संविधान सदन दे केन्द्री कक्ष च संविधान दिवस समारोह च हिस्सा लैगं। इस मौके पर राष्ट्रपति द्रौपदी मुरमू- उपराष्ट्रपति सी.पी. राधाकृष्णन- लोकसभा स्पीकर ओम बिरला- केन्द्री मंत्री ते सांसद सदस्य- दौनें सदन च मजूद रौहगं। राष्ट्रपति द्रौपदी मुरमू हुंदे नेतृत्व च संविधान दी प्रस्तावना पढी जाहग। एहदे इलावा संविधान दा अनुवादित संस्करण मलयालम- मराठी- नेपाली- पंजाबी- बोडो- कश्मीरी- तेलुगु- उडिया ते असमिया सनें 9वें भाषाएं च जारी कीता जाहग। इस मौके पर इक स्मारक पुस्तिका बी जारी कीती जाहग। इस बरे संविधान गी अंगीकार करने यानि अपनाने दे उपलक्ष्य च 76मां संविधान दिवस मनाया जा रदा ऐ।

<><><><><><>

PM-SAESI

प्रधानमंत्री नरेन्द्र मोदी अज्ज वीडियो कांफ्रेंसिंग दे माध्यम कन्नै हैदराबाद च स्थित जी.एम.आर. एरोस्पेस एंड इंडस्ट्रियल पार्क च सफ़रान एयरक्राफ्ट इंजन सर्विसेज़ इंडिया सुविधा दा उदघाटन करगं। प्रधानमंत्री हुंदे दफ़तरै आसेया इक ब्याना च आखेया ऐ जे SAESI-जहाजें दे भलेयां अज्जै-कल्लै दी तकनीकें आलें इंजनें लेई सफ़रान दी इक समर्पित सुविधा ऐ। इस सुविधा दे कन्नै पैहली बारी कुसै वैश्विक इंजन उपकरण निर्माता ने भारत च एम.आर.ओ. परिचालन स्थापित कीता ऐ। एह एम.आर.ओ सुविधा- हवाबाजी दे खेतर च आत्मनिर्भरता दे लक्ष्य दी दिशा च इक बड्डी गैह होग। एम.आर.ओ. च

स्वदेशी समर्थ दा विकास बदेशी मुद्रा दे बाहरी प्रवाह गी घट्ट करोग। रोजगार दे मौके पैदा करोग ते भारत गी आलमी सतह दे हवाबाजी आले इक केन्द्र दे रुप च स्थापित करोग।



Rajnath- Shipbuilding

रक्षामंत्री राजनाथ सिंह होरें आखेया जे भारत समुन्द्री जहाजें दे निर्माण ते एहदे नै सरबंधत नमियें काडडें गितै इक वैश्विक केन्द्र बनने लेई पूरा त्यार ऐ। उनें वैश्विक भ्यालें दा आहवान कीता जे ओ भारत दे समुन्द्री जहाजें दे निर्माण दी समर्थ गी पंछानियें नमीं पीढी आहली समुन्द्री समर्थया दे विकास च अपना सहयोग देना। रक्षामंत्री नमीं दिल्ली च रक्षा उत्पादन विभाग आसेया भारती समुन्द्री जहाजें दी समर्थ दस्सने लेई आयोजित इक सैमिनार- “समुन्द्र उत्कर्ष” च बोला रदे हे। उनें आखेया जे भारत दा समुन्द्री जहाज निर्माण दा इको-सिस्टम- सार्वजनिक सैक्टर ते निजि कम्पनियें आहले सरबंधत निर्माणें ते हजार बदे MSMEs दे सांझे प्रयासें करी इक पूरे –पराते सशक्त ते संगठित निर्माण ढांचे च तब्दील होई गेदा ऐ। श्री सिंह होरें आखेया जे एह सैक्टर नां छडा भारत दे प्रांतीय ते वैश्विक हितें दी राखी करा रदा ऐ सगुआं सरबंधत तकनीकी ते सप्लाई चेन गी बेहतर करने च एहदा खास योगदान ऐ।



NSG -26/11

राष्ट्री सुरक्षा गार्ड-NSG अज्जै गेटवे ऑफ इंडिया पर 26/11 आले मुम्बई आतंकी हमलें दी 17मीं बरसी दे उपलक्ष्य च इक कार्यक्रम आयोजित करोग ते ऐसे हमलें गी परतियै होने थमां रोकने लेई अपने संकल्प दी तस्दीक करोग। इस कार्यक्रम दा मकसद सांझे ध्येइयै दी तस्दीक करना ऐ- तां जे ऐसियां घटना परतियै कदें बी नेंई होना। इस पैहल दे तैहत शैहरा दे 11एं कालजें ते 26 स्कूलें दे बच्चें इस कार्यक्रम च हिस्सा लै करदे ना।



MEA –China

नमीं दिल्ली नै आखेया जे अरुणाचल प्रदेश भारत दा अनट्रुट हिस्सा ऐ ते चीन आसेया इस सच्चाई गी भामें जिन्ना मर्जी नकारेया जा- सच्चाई ते असलियत बदलोई नेंई सकदी। चीनी विदेश मंत्री आसेया इस सरबंधे च दिते गेदे ब्यान पर मीडिया आसेया पुच्छे गेदे सोआलें दे परते च विदेश मंत्रालय दे प्रवक्ता रणधीर जायसवाल होरें आखेया जे अरुणाचल प्रदेश दे इक भारती नागरिक गी चीन थमां छुडकाने दी सखती कन्नै कोशिश जारी ऐ।



India -FTA

भारत अज्ज रुस दे नेतृत्व आले यूरेशियन आर्थिक संघ दे कन्नै मुक्त बपार समझौते FTA लेई औपचारिक गल्लबात शुरु करोग। उद्योग ते बपार मंत्री पीयूष गोयल होरें ऐलान कीता ऐ जे 5 मिस्रें आला यूरेशियन आर्थिक संघ समूह- जेहदे च रुस- आरमेनिया- बेलारुस- कज़ाकिस्तान ते किर्गिस्तान शामिल न- दे कन्नै मुक्त बपार समझौते पर चर्चा 20 अगस्त 2025 गी संदर्भ शर्ते पर दस्तख्त दे बाद नमीं दिल्ली च शुरु होग। श्री गोयल होरें दस्सेया ऐ जे यूरेशियन आर्थिक संघ वार्ता दे इलावा- भारत केंई होरनें बपार सांझेदारियें पर बी कम्म करा रदा ऐ।



Gujarat -Padyatra

सरदार वल्लभ भाई पटेल हुंदी 150मीं जयंति दे तैहत राश्ट्री स्तर दी इक पदयात्रा अज्जै थमां गुजरात दे करमसद थमां शुरु होग- जेहडी सरदार पटेल हुंदी जन्मभूमि ऐ। 11एं दिनें दी इस पदयात्रा दा समापन 6 दिसम्बर गी केवडियां च Statue of Unity पर होग। एह यात्रा तकरीबन 190 किलोमीटर दा पैंडा तय करोग। प्रधानमंत्री नरेन्द्र मोदी आनंद दे वल्लभ विद्यानगर च यात्रा दे उदघाटन च वर्चुअल

ढंगै नै हिस्सा लैगंन। गुजरात दे मुखमंत्री भूपेन्द्र पटेल- केन्द्री मंत्री मनसुख मांडविया ते निमुबेन बंभानिया बी उदघाटन समारोह च शामिल होगंन।



Common Wealth Sport General Assembly

2030 बरे आली राष्ट्रमंडल खेडुं दी मेज़बानी करने दी भारत दी कोशिश गी अज्ज Glasgow च राष्ट्रमंडल खेडुं दी जनरल असैम्बली च औपचारिक मंजूरी थोई जाग। एहदे नै भारत इक वैश्विक बहु खेडु केन्द्र बनने दी महत्वाकांक्षी योजना दी बत्ता पर इक बड्डी गैह भरी लैग। भारत नै 2010 बरे च बी नमीं दिल्ली च राष्ट्रमंडल खेडुं दी मेज़बानी कीती ही। इक बारी एह खेडुं अहमदाबाद च करोआना तय कीता गेदा ऐ। अहमदाबाद च पिच्छले 10एं बरे च खेडुं दे ढांचागत विकास च महत्वै आला बाद्दा दर्ज कीता गया ऐ।



Football U-17

भारत अज्ज गुजरात दे अहमदाबाद च स्थित EKA एरीना च A.F.C अंडर-17 एशिया कप सऊदी अरब 2026 क्वालीफायर ग्रुप-डी मुकाबले च चीनी ताइपे कन्नै भिड्ग। मैच संजा 7 बज्जियै 30एं मिन्टे पर शुरु होग। गुजरात राज्य फुटबाल संघ नै स्टेडियम च प्रशंसकें लेई मुफ्त प्रवेश दी घोषणा कीती ऐ। संघ नै प्रशंसकें गी गुजारश कीती ऐ जे ओह बड्डी बद्ध गिनतरी च आइयै युवा भारती टीम दा उत्साह बधान। ग्रुप-डी दी अंक तालिका च भारत ऐल्लै चौथी थाहरै पर ऐ जिसलै के चीनी ताइपे 5मीं थाहरै पर ऐ।



T-20 W.C. 2026

अंतराष्ट्रीय क्रिकेट काउंसल –ICC नै मर्दे दे टी-20 क्रिकेट विश्व कप दे कार्यक्रम दा ऐलान करी दिता ऐ। एह टूर्नामेंट 7 फरवरी थमां शुरु होग। एहदी मेज़बानी भारत ते श्रीलंका करगंन। भारत बनाम पाकिस्तान क्रिकेट मैच 15 फरवरी गी कोलम्बो दे आर. प्रेमदासा स्टेडियम च खेडुया जाहग। रोहित शर्मा गी टी-20 विश्व कप 2026 दी Brand Ambassador नियुक्त कीता गया ऐ। भारत ते श्रीलंका दुई बारी मर्दे दे ICC-T-20 विश्व कप दी मेज़बानी करा रदे न। इस विश्व कप च कुल 20 टीमां हिस्सा लैगंन ते इनें टीमें गी 5-5 टीमें आले 4 समूहें च बंडुया गया ऐ। भारत गी ग्रुप-ए च पाकिस्तान-नीदरलैंड- नामीबिया ते अमरीका दे कन्नै रखेया गया ऐ। पाकिस्तान अपने सब्भै मैच श्रीलंका च खेडुोग।



Syed Mushtaq Ali

भारत दी आला दर्जे दी मर्दे दी टी-20 क्रिकेट टूर्नामेंट सैय्यद मुश्ताक अली ट्रॉफी अज्जै थमां शुरु होआ करदी ऐ। उदघाटनी मैच मिज़ोरम ते नागालैंड बश्कार बडुलै 9 बजे थमां पुणे दे डैक्कन जिमखाना मैदान च खेडुया जा रदा ऐ। 2007 च शुरु होई दी इस प्रतियोगिता दा एह 18मां संस्करण ऐ जेहदे च कुल 38 टीमां हिस्सा लै रदियां न।

